

# AKT THEMELIMI I SHOQËRISË “IVY” SH.P.K.

## NENI 1

### KRIJIMI I SHOQËRISË

1. Sot më datë 20/09/2023 themelohet shoqëria me përgjegjësi të kufizuar me emërtimin “IVY” shpk, (Në vijim referuar si “Shoqëria”) nga ortakët me të dhëna si vijon:
  - **Orges Beshku**, shtetas shqiptar, lindur më 14.11.1994 në Tiranë, madhor me zotësi të plotë për të vepruar, banues në Tiranë, mbajtës i letërnjoftimit me numër personal J41114056K;

Dhe

  - **Albi Alla**, shtetas shqiptar, lindur më 07.08.1984 në Tiranë, madhor me zotësi të plotë për të vepruar, banues në Tiranë, mbajtës i letërnjoftimit me numër personal I40807059R;
2. Shoqëria është person juridik shqiptar dhe funksionon në përputhje me kërkesat e ligjit nr. 9901 datë 14/04/2008 “ Për Tregtarët dhe Shoqëritë Tregtare”, të ndryshuar.
3. Shoqëria e ushtron aktivitetin e saj në përputhje me legjislacionin shqiptar dhe me dispozitat e parashikuara në dokumentat themeluese.

## NENI 2

### FORMA E SHOQËRISË

1. Shoqëria do të ketë formën e shoqërisë me përgjegjësi të kufizuar, për sa kohë që Asambleja e Përgjithshme e kësaj shoqërie nuk do të marrë një vendim për shndërrimin e saj.
2. Veprimtaria e shoqërisë do të rregullohet sipas radhës nga dispozitat e ligjit Nr. 9901 datë 14.04.2008 “Për Tregtarët dhe Shoqëritë Tregtare”, të ndryshuar dhe këtij Statuti.

## NENI 3


### EMËRTIMI

1. Emërtimi i shoqërisë është “**IVY**” sh.p.k. Në të gjitha aktet dhe dokumentet e nxjerra nga shoqëria, emërtimi i shoqërisë do të ndiqet nga fjalët “Shoqëri me Përgjegjësi të Kufizuar” ose inicialet sh.p.k.

## NENI 4

### SELIA E SHOQËRISË

1. Shoqëria e ka selinë në adresën: Rruga “Ibrahim Rugova”, Pallati 07, Tiranë.
2. Përveç veprimtarisë në nivel lokal, shoqëria ka të drejtën e krijimit dhe mbylljes së selive sekondare, filialeve, degëve, agjensive dhe zyrave të përfaqësimit brenda apo jashtë territorit të Republikës së Shqipërisë.
3. Selia mund të transferohet në çdo vend tjetër brenda territorit të Republikës së Shqipërisë me Vendim të Asamblesë së Përgjithshme të shoqërisë.



**NENI 5**  
**KOHËZGJATJA**

1. Kohëzgjatja e shoqërisë është pa afat.
2. Në përputhje me këtë statut, shoqëria mund të mbyllë veprimtarinë e saj në çdo kohë kur Asambleja e Përgjithshme e shoh të arsyeshme, apo në rastet e parashikuara nga ligji.

**NENI 6**  
**OBJEKTI I VEPRIMTARISË**

1. Objekti i veprimtarisë së shoqërisë është :
  - Konsulencë dhe asistencë teknike për industrinë në lidhje me fushat inxhinierike dhe mekatronike;
  - Konsulencë dhe asistencë teknike në lidhje me proceset e automatizimit dhe prodhimit;
  - Kërkim dhe zhvillim në fusha dhe aspekte të ndryshme për vete dhe të tjerë;
  - Pjesëmarrje, zbatim dhe menaxhim i projekteve për vete dhe të tretë;
  - Përfaqësim i shoqërive apo subjekteve të tjera juridike të huaja në Shqipëri;
2. Përveç aktiviteteve të parashikuara më lart, në veprimtarinë e Shoqërisë do të përfshihet çdo veprimtari tjetër që nga Asambleja e Përgjithshme do të konsiderohet e nevojshme dhe e përshtatshme për të përmbushur qëllimet e Shoqërisë dhe që nuk ndalohej nga ligji.
3. Aktivitetet e Shoqërisë, për të cilat kërkohet paraprakisht një leje, licencë, autorizim apo ndonjë akt tjetër miratues, do të ushtrohen pasi të jete marrë akti në fjalë.

**NENI 7**  
**KAPITALI THEMELTAR**

1. Kapitali themeltar i shoqërisë është në vlerën 1.000.000 (një milion) Lek.
2. Pjesëmarrja e ortakëve në shoqëri është në raport me kontributin e tyre dhe vlera nominale e secilës kuotë, e cila llogaritet në raport me këtë kontribut është e paraqitur në mënyrë të përmbledhur në tabelën e mëposhtme:

<b>Nr.</b>	<b>Emri i Ortakut</b>	<b>Kuota</b>	<b>Vlera</b>	<b>Përqindja</b>
				<b>%</b>
<b>1.</b>	Orges Beshku	1	500.000 lekë	50
<b>2.</b>	Albi Alla	1	500.000 lekë	50
	<b>TOTALI</b>	2	1.000.000 lekë	100

3. Kapitali mund të ndryshojë me vendim të Asamblesë së Përgjithshme bazuar në nevojat e shoqërisë dhe konform parashikimeve ligjore.
4. Kapitali është shlyer tërësisht nga ortakët.



**NENI 8**  
**ORTAKËT DHE NDARJA E KUOTAVE**

1. Shoqëria përbëhet nga dy ortakë, me të dhënat e mëposhtme:
  - Orges Beshku, lindur më 14.11.1994 në Tiranë, shtetas shqiptar, madhor me zotësi të plotë për të vepruar, mbajtes i letërnjoftimit me numër personal J41114056K, me adresë banimi në Tiranë, zotërues i 1 (një) kuote, në vlerën 500.000 lekë, në masën 50% të kapitalit;
  - Albi Alla, lindur më 07.08.1984 në Tiranë, shtetas shqiptar, madhor me zotësi të plotë për të vepruar, mbajtës i letërnjoftimit me numer personal I40807059R, me adresë banimi në Tiranë, zotërues i 1 (një) kuote, në vlerën 500.000 lekë, në masën 50% të kapitalit.

**NENI 9**  
**ASAMBLEJA E PËRGJITHSHME**  
**TË DREJTAT DHE DETYRAT**

1. Asambleja e Përgjithshme është përgjegjëse për marrjen e vendimeve për shoqërinë për çështjet sipas ligjit dhe statutit, por pa u kufizuar në:
  - a) Përcaktimin e politikave tregtare të Shoqërisë;
  - b) Ndryshimet e statutit;
  - c) Emërimin dhe shkarkimin e Administratorit;
  - d) Emërimin dhe shkarkimin e likujduesve dhe ekspertëve kontabël të autorizuar;
  - e) Mbikqyrjen e zbatimit të politikave tregtare nga administratori, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
  - f) Miratimin e pasqyrave financiare vjetore dhe të raporteve të ecurisë së veprimtarisë;
  - g) Zmadhimin dhe zvogëlimin e kapitalit;
  - h) Pjesëtimin e kuotave dhe anulimin e tyre;
  - i) Përfaqësimin e shoqërisë në gjykatë dhe në procedimet e tjera ndaj administratorit;
  - j) Riorganizimin dhe prishjen e shoqërisë;
  - k) Për miratimin e marrjes së audituesve të jashtëm, në rastet e hetimeve të posacme;
  - l) Shpërndarjen e fitimeve për ortakët;
  - m) Shndërrimin e formës së shoqërisë dhe/ose bashkimin me shoqëri të tjera, apo pjesëmarrjen në shoqëri apo grupe shoqërish;
  - n) Miratimin e rregulloreve të ndryshme të punës si dhe rregulloreve të tjera që në thelb kanë të bëjnë me procese të rëndësishme të veprimtarisë së shoqërisë;
  - o) Miratimin në rastin e shitblerjes së kuotave të ortakëve ose formave të tjera të transferimit të tyre, sipas parashikimeve të këtij statuti.

**NENI 10**  
**ADMINISTRATORI**  
**EMËRIMI, TË DREJTAT DHE DETYRIMET**

1. Asambleja e Përgjithshme emëron një ose më shumë persona fizikë si administratorë të shoqërisë. Afati i emërimit nuk mund të jetë më i gjatë se 5 (pesë) vjet, me të drejtë ripërtëritjeje. Asambleja e Përgjithshme merr vendim të posaçem për rrimërimin e Administratorit pas periudhës së emërimit të parë.
2. Administratori do të përfaqësojë Shoqërinë dhe do të jetë ligjërisht përgjegjës për aktivitetet e Shoqërisë. Administratori do të menaxhojë dhe drejtojë veprimtarinë e përditshme të Shoqërisë duke siguruar që menaxhimi i Shoqërisë të bëhet në mënyrë të ligjshme dhe në interes të



- Shoqërisë. Duke qene perfaqesuesi ligjor i Shoqërisë, Administratori ka të drejtën të nënshkruajë të gjithë aktet dhe dokumentat e Shoqërisë, përfshirë hartimin e të gjitha vendimeve të Shoqërisë.
3. Caktimi i Administratorit bëhet nga ky statut për një periudhë 5 (pesë) vjeçare me të drejtë rimerimi nga Asambleja e Përgjithshme. Administratori i shoqërisë caktohet Orges Beshku, shtetas shqiptar, madhor me zotësi për të vepruar, mbajtës i letërnjoftimit me Nr. personal J41114056K.
  4. Administratori ka të drejtë dhe detyrohet të:
    - a. Kryejë të gjitha veprimet e administrimit të veprimtarisë tregtare të shoqërisë duke zbatuar politikat tregtare të vendosura nga Asambleja e Përgjithshme;
    - b. Perfaqësojë shoqërinë tregtare;
    - c. Kujdeset për mbajtjen e saktë e të rregullt të dokumenteve dhe të librave kontabël të shoqërisë;
    - d. Hapë llogari bankare në emër të shoqërisë;
    - e. Përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, dhe i paraqet këto dokumente përpara Asamblesë së Përgjithshme për miratim;
    - f. Krijojë një sistem paralajmërimi në kohën e duhur për rrethanat që kërcënojnë mbarëvajtjen e veprimtarisë dhe ekzistencën e shoqërisë;
    - g. Kryejë regjistrimet dhe dërgojë të dhënat e detyrueshme të shoqërisë, siç parashikohet në ligjin për Qendrën Kombëtare të Biznesit;
    - h. Raportoje përpara Asamblesë së Përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
    - i. Kryejë detyra të tjera të përcaktuara në ligj dhe në statut;
    - j. Të thërrasë asamblesë e përgjithshme persa parashikon ky statut ose Ligji për shoqëritë tregtare.

#### **NENI 11**

#### **DISPOZITA TË FUNDIT**

1. Për çdo gjë që nuk është parashikuar shprehimisht në këtë Akt Themelimi apo në Statut që lidhet me funksionimin e shoqërisë, zbatohet legjislacioni shqiptar në fuqi.
2. Në çdo rast kur legjislacioni shqiptar përkatës mund të ndryshojë, ky statut mund të ndryshohet me vendim të Asamblesë së Përgjithshme sipas rregullave të përcaktuara, në përputhje me ndryshimet përkatëse të legjislacionit në fuqi.
3. Caktohet administratori i shoqërisë ose një person i autorizuar prej këtij të fundit për regjistrimin fillestar të shoqërisë pranë Qendrës Kombëtare të Biznesit.

#### **ORTAKËT THEMELUES:**

  
\_\_\_\_\_

**Orges Beshku**

  
\_\_\_\_\_

**Albi Alla**

